

paratus forem. Sed tu, quid ex usu tuo sit facile statues. Has nunc ternas ad de scripsi. Vale. Evola & mater ejus cum omnibus Charicibus te salutant. XX. Julii 1581.

P. S.

J. Grynæus tuus.

PRO D. Caroli arcæ vectura precium numeravit D. Iselii Socer. Ut non sit cur cuicunque exsolvas. Signum literis hisce inclusum mitto. Tuo dolio Claudius inscripsit literas *C. A. J. vel G.*

EPISTOLA VIII.

SCum animadverterem Claudium Bibliopolam alios quoque ad te, nobiliss. & amicissime Domine Compater, libros missurum, ne χάρις βραδύπης άχαρις foret, Proverbiorum συλλογήν, cum auctariolo ex Xenophonte ad te mittere malui, quam dubia spe auctarii ex Apophthegmatis, diutius te detinere. Sed tu scis mihi varie occupato, & nonnunquam vix ad scalpendas, quod dici solet, aures, ocium habenti, opus esse Lectoris επεικεία. Vetus est proverbium συγγνώμην πρώτο πείρω: Verum tu pro tua humanitate facile dabis, συγγνώμην etiam iis deberi, qui δευτέρας φροντίδας, quæ σεφώ-

τέραι